

Konkursa
“Latgolys prozys skaitejumi 2023”
NŪLYKUMS

Kai vysam iz pasauļa, profesionalai rakstnīceibai ir pļusi i minusi. Parkū, ka cylvāks peļnej naudu ar būrkuonu audziešonu, tys ir labi, a, ka ar romanu raksteišonu, tys ir švaki? A ka rakstnīks tai gūdeigi i pasoka — cyta nikuo es dareit naprūtu, es rokstu partū, lai ar tū nūpeļneit naudu?

/Valentins Lukaševičs, “Casnāgu maizeitis”/

MIERKIS

Veicynuot literarū procesu Latgolā, dūdūt vareibu latgalīšu rokstu volūdā vai latvīšu literarajā volūdā rokstūšim autorim satikt leluoku auditoreju i skaiteituojim īpazeit jaunus Latgolys kulturtelpā topušus dorbis.

DALINĪKI

Vysa vacuma Latgolys kulturtelpai pīdareigi autori, kurī roksta prozu latgalīšu rokstu volūdā vai latvīšu literarajā volūdā.

KONKURSA DORBA NŪSACEJUMI

Autori aicynuoti īsyuteit:

1. **poša radeitu i da tuo npublicātu tekstu** latgalīšu rokstu volūdā vai latvīšu literarajā volūdā (bet vālam ar vysmoz 10 % latgalīšu rokstu volūdā integrāta teksta) — eseju, stuostu vai romana fragmentu sev tyvuokā žanrā;

2. prozys teksta lelums: **7000–12 000 zeimu ar atstarpem** (lyugums īvāruot teksta leluma nūsacejumus, garuoki dorbi pyrma nūdūšonys viertiešonai tiks eisynuoti);

3. teksta nūformiejums: **A4 formats, Times New Roman, burtu lelums 12 punkti, rindu storpā 1,5 punkti;**

4. vālam jimt vārā konkursa “Latgolys prozys skaitejumi” **moto “Es rokstu, bet vai tu skaiteisi?”;**

5. vīns nu viertiešonys kritereju ir teksta pīdareiba Latgolys kulturtelpai, tai atkluojūt regiona sovpatēibu i **paruodūt latgaliskumu juo plašuokajuos nūzeimēs.**

PĪSACEJUMA NŪSACEJUMI

Konkursa dorba elektroniskajai versejai **obligati juodalīk e-posta teksts ar pīsacejumu**, kurā juobyut:

1. ziņom par autoru (vuords, pavuorde, dzimšonys dati (gods), nūsadorbuošona, eisa rodūšuo biografeja (vysmoz 3–4 teikumi));

2. autora kontakinformaceja (telepona numers, e-posts).

TERMENI

Konkursa dorbi, dalīkūt pīsacejumus, konkursam **juoīsnādz leidz 2023. goda 18. oktobram**, nūsyutūt bīdreibai “LgSC” iz e-postu: lgsc@lgsc.lv ar nūruodi “Latgolys prozys skaitejumi 2023”.

VIERTIEŠONYS KRITEREJI

Dorbi tiks vārtāti, vysu vaira izceļūt na teksta volūdu, bet literaruo teksta kvalitāti i pīdareibu Latgolys kulturtelpai, tai atkluojūt regiona sovpatēibu i paruodūt latgaliskumu juo plašuokajuos nūzeimēs.

KONKURSA DORBU VIERTIEŠONA

Konkurss nūtikš vīnā kuortā – autori leidz 18. oktobram īsyuta sovus prozys tekstus i konkursa organizatori jūs nūdūd žurejai anonimai viertiešonai;

Konkursa dalinīki 7. decembrī 18.00 byus aicynuoti pīsadaleit konkursa "Latgolys prozys skaitejumi 2023" nūslāguma pasuokumā Rēzeknē. Tuo nūtikšonu planavuots fiļmēt i raideit storptautyskuo literaturys festivala "Prozas lasījumi 2023" i latgalīšu kulturys ziņu portala lakuga.lv kanalūs. Pasuokuma nūtikšonā tiks jimti vārā vysy tymā breidī vaļstī pastuovūšī īrūbežuojumy.

REZULTATU IZZIŅUOŠONYS PARĀDS

Autorus, kurūs konkursa "Latgolys prozys skaitejumu 2023" nūslāguma pasuokumā 7. decembrī aicynuos konkursa tekstu skaiteit publiski, informēs personeigi, sasazynojūt iz pīsacejumā nūruodeitū e-posta adresi voi telepona numeri. Konkursā uzvariejušūs dorbu autoru vuordi tiks izziņuoti konkursa nūslāguma pasuokumā, kai ari publicāti latgalīšu kulturys kusteibys "Volūda" sātyslopā lgsc.lv i latgalīšu kulturys ziņu portalā lakuga.lv. Atbylstūši konkursa nūslāguma pasuokuma koncepcėjai, uzvarātuoju dorbu video īroksti var tikt sataiseiti ari pyrma pasuokuma. Konkursa "Latgolys prozys skaitejumi 2023" uzvarātuojam ar sova dorba skaitejumu byus pīduovuota vareiba pīsadaleit ari festivala "Prozas lasījumi 2023" nūtikšonus.

ATLEIDZEIBA PAR PUBLIKACEJOM I PUBLICITATE

Konkursa uzvarātuoju dorbyms tiks daškiertys atleidzeibys par dorbu pyrmpublikacejom portalā lakuga.lv: I vītai 300 eiro apmārā, II vītai 200 eiro apmārā i III vītai 100 eiro apmārā (pyrma nūdūkļu nūmoksys). Atkareibā nu īsnāgtūs dorbu kvalitatys i žurejys viertejuma latgalīšu kulturys kusteiba "Volūda" patur tīseibys atleidzeibu apmārus maineit. Konkursa uzvarātuoju dorby var tikt publicāti ari video formatā portala lakuga.lv i latgalīšu kulturys kusteibys "Volūda" socialūs teiklu kontūs, kai ari portala sagataveitajūs izdavumūs.

ŽUREJA

Konkursa "Latgolys prozys skaitejumi 2023" dalinīku dorbus viertēs vysmoz treis, bet na vaira kai pīci žurejys lūcekli – ar Latvejys literaturys procesim i aktivitatem saisteitys personeibys. Žurejys lūcekļu vuordi tyks atkluoti piec 20. novembra.

ORGANIZATORI

Konkursu reikoj latgalīšu kulturys kusteiba "Volūda" (bīdreiba "LgSC", vaira dazyņuošonai Kristīne Pokratiece, e-posts lgsc@lgsc). Konkursa nūtikšonu atbolsta storptautyskais literaturys festivals "Prozas lasījumi 2023" (reikuotuojs Latvejys Rakstnīku savīneiba), Vaļsts kulturkapitala fonds, "Valodu māja", SIA "IGGI", latgalīšu kulturys ziņu portals lakuga.lv i žurnals "Domuzīme".